

Broj: 05-3696-6/18  
Sarajevo, 24. 10. 2018. godine

Na osnovu člana 64. stav (1) tačka b) Zakona o javnim nabavkama („Službeni glasnik BiH“, broj 39/14, u nastavku: Zakon), člana 70. stav (1), (3) i (6) Zakona, člana 8. stav 2. tačka d) Pravilnika o uspostavljanju i radu Komisije za nabavke („Službeni glasnik BiH“, broj 103/14), preporuke Komisije iz Zapisnika o pregledu i ocjeni ponuda, broj: 05-3696-5/18 od 23. 10. 2018. godine, te člana 16. Statuta Agencije za bankarstvo Federacije BiH („Službene novine Federacije BiH“, broj: 3/18) direktor Agencije za bankarstvo Federacije BiH donosi

## **ODLUKU**

### **o izboru najpovoljnijeg ponuđača u postupku nabavke usluga**

#### **I.**

Prihvata se preporuka komisije za provođenje postupka javne nabavke usluga čišćenja poslovnih prostorija Agencije za bankarstvo Federacije BiH (u nastavku: ugovorni organ), putem otvorenog postupka – rezervisani ugovori, i okvirni sporazum za javnu nabavku predmetnih usluga dodjeljuje se ponuđaču „GTS“ d.o.o. Sarajevo.

#### **II.**

Ukupna vrijednost okvirnog sporazuma iz člana I. ove odluke, bez uračunatog poreza na dodanu vrijednost (PDV-a), iznosi 76.302,00 KM.

#### **III.**

Po okončanju roka za žalbu, ugovorni organ će s izabranim ponuđačem zaključiti okvirni sporazum kojim će regulisati međusobna prava i obaveze.

#### **IV.**

U skladu s članom 70. stav (6) Zakona, ugovorni organ objavit će ovu odluku na svojoj internetskoj stranici [www.fba.ba](http://www.fba.ba), istovremeno s upućivanjem iste ponuđačima koji su sudjelovali u ovom postupku.

#### **V.**

Ova odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke, saglasno članu 71. stav (2) Zakona.

## OBRASLOŽENJE

Odlukom o pokretanju postupka javne nabavke usluga čišćenja, broj: 05-3696/18 od 03. 10. 2018. godine, odobreno je provođenje postupka predmetne nabavke za potrebe ugovornog organa. Javna nabavka provedena je putem otvorenog postupka – rezervisani ugovori, a kriterij za dodjelu ugovora je najniža cijena tehnički zadovoljavajuće i prihvatljive ponude. U skladu s članom 35. Zakona, Obavještenje o nabavci, broj: 3010-1-2-285-3-43/18 od 03. 10. 2018. godine objavljeno je na Portalu javnih nabavki (ejn.gov.ba), te je u istom, u dijelu koji se odnosi na odjeljk III. Pravne, ekonomske i tehničke informacije, tačka 8 - rezervisani ugovori, navodeno da je ovaj postupak javne nabavke rezervisan samo za kandidate, odnosno ponuđače koji zapošljavaju, u odnosu na ukupan broj zaposlenih, više od 50% lica s invaliditetom, a koji ne mogu obavljati poslove u normalnim uslovima. Sažetak obavještenja objavljen je u Službenom glasniku, broj: 71/2018 od 12. 10. 2018. godine.

U skladu s odlukom ugovornog organa imenovana je komisija za javne nabavke, kojom su definisane njene nadležnosti, koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača. Slijedom navedenog, komisija je u okviru svojih nadležnosti i ovlaštenja provela predmetni postupak nabavke, te o tome sačinila Zapisnik o pregledu i ocjeni ponuda u kojem je konstatovano da su po predmetnom postupku nabavke pravovremeno pristigle tri ponude. Na osnovu izvršene analize i ocjene prispele ponude u pogledu kvalifikacijskih i cjenovnih uslova nadmetanja, komisija je utvrdila:

- da je ponuda ponuđača „GTS“ d.o.o. kvalifikovana i prihvatljiva, te da su dostavljeni svi traženi dokazi propisani Tenderskom dokumentacijom (u nastavku TD), na propisan način;
- da se ponude ponuđača „Atalian global services BH“ d.o.o. Sarajevo i „Moja firma“ d.o.o. Sarajevo odbacuju na osnovu odredbi člana 68. stav (1) i (4) Zakona, iz razloga što navedeni ponuđači nisu dostavili dokumentaciju iz koje je vidljivo da isti zapošljavaju, u odnosu na ukupan broj zaposlenih, više od 50% lica s invaliditetom, koji ne mogu obavljati poslove u normalnim uslovima, a što je u suprotnosti s odredbama TD koje su navedene u poglavlju I. Opći podaci, tačka 12) – član 9. Zakona - rezervisani ugovori . Također iste nisu u skladu s odredbama Obavještenja o nabavci, broj: 3010-1-2-285-3-43/18 od 03. 10. 2018. godine objavljenog na Portalu javnih nabavki (ejn.gov.ba), gdje je u odjeljku III. Pravne, ekonomske i tehničke informacije, tačka 8 - rezervisani ugovori, navodeno da je ovaj postupak javne nabavke rezervisan samo za kandidate, odnosno ponuđače koji zapošljavaju, u odnosu na ukupan broj zaposlenih, više od 50% lica s invaliditetom, a koji ne mogu obavljati poslove u normalnim uslovima. Pored navedenog, ponuđač „Moja firma“ d.o.o. Sarajevo, kvalifikacijsku dokumentaciju za članove 45.,46., i 47. Zakona, te izjavu iz člana 52. Zakona, nije dostavio na način predviđen TD.

Iz prednje navedenog vidljivo je da je izabrani ponuđač najbolje ocijenjen na osnovu zadanih kvalifikacijskih i cjenovnih uslova nadmetanja, te da jedini ispunjava odredbe člana 9. Zakona, pa je komisija za nabavke dala preporuke da se istom, saglasno članu 69. stav (1) tačka a) Zakona, dodijeli okvirni sporazum u predmetnom postupku nabavke usluga.

U postupku donošenja ove odluke, ocijenjeno je da je komisija u svemu pravilno postupila te da je izbor najpovoljnijeg ponuđača izvršen u skladu sa Zakonom, podzakonskim aktima i TD.

Uvažavajući sve navedeno, primjenom člana 64. stav 1. tačka a), člana 9., člana 25., člana 70. stavovi 1.,3. i 6. Zakona, člana 8. stav 2. tačka d) Pravilnika o uspostavljanju i radu komisije za nabavke („Službeni glasnik BiH“, broj 103/14) i člana 16. Statuta ugovornog organa, odlučeno je kao u tački I. ove odluke.

## POUKA O PRAVNOM LIJEKU:

Protiv ove odluke može se izjaviti žalba Ugovornom organu – Agenciji za bankarstvo Federacije BiH, najkasnije u roku od 10 (deset) dana od dana prijema ove odluke, saglasno članu 97. i 101. Zakona. Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem Ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.

  
**DIREKTOR**  
**Jasmin Mahmuzić**

Dostaviti:

- svim učesnicima u postupku
- a.a.

